

Javna ustanova Opća bolnica  
„Prim. dr. Abdulah Nakaš“  
Broj: 1485-4/21  
Sarajevo, 19.02.2021. godine

Na osnovu člana 27. Statuta Javne ustanove Opća bolnica „Prim. dr Abdulah Nakaš“, v.d. direktor je donio

### **O D L U K U**

**o stavljanju van snage Posebne odluke i Odluke o pokretanju postupka javne nabavke putem direktnog sporazuma za nabavku usluga – Izrada glavnih i idejnih projekata – usluge projektovanja**

#### **Član 1.**

Stavljaju se van snage sljedeće Odluke:

1. Posebna odluka v.d. direktora Bolnice za nabavku usluga – Izrada glavnih i idejnih projekata – usluge projektovanja broj 1485-2/21 od 12.02.2021. godine
2. Odluka o pokretanju postupka javne nabavke putem direktnog sporazuma za nabavku usluga – Izrada glavnih i idejnih projekata – usluge projektovanja broj 1485-3/21 od 12.02.2021. godine

iz razloga što će se za ovu vrstu usluga provesti jedan od postupaka regulisanim odjeljkom C. Vrste postupaka Zakona o javnim nabavkama („Službeni glasnik BiH“ broj 39/14)

#### **Član 2.**

Ova Odluka stupa na snagu danom donošenja.

### **O b r a z l o ž e n j e**

Na zahtjev šefa Odjeljenja za tehničke poslove i investicije od 08.02.2021. godine pokrenut je postupak nabavke usluga – Izrada glavnih i idejnih projekata – usluge projektovanja u iznosu do 6.000,00 KM bez PDV-a na godišnjem nivou, te je nakon saglasnosti v.d.direktora donijeta Posebna odluka i Odluka o pokretanju postupka dana 12.02.2021. godine.

Dana 18.02.2021. godine šef Odjeljenja za tehničke poslove i investicije je pokrenuo zahtjev za nabavku usluga – Usluge izrade mašinskog, elektro i građevinskog projekta toplotne podstanice u iznosu do 6.000,00 KM bez PDV-a.

Odsjek za javne nabavke je konstatovao da se u skladu sa Zakonom o javnim nabavkama za istovrsnu nabavku tokom godine može provesti jedan ili više direktnih sporazuma do iznosa od 6.000,00 KM. Za sve veće iznose od 6.000,00 KM provodi se jedan od postupaka definisanih Zakonom o javnim nabavkama.

Obzirom da se u konkretnom slučaju radi o istovrsnoj nabavci u ukupnom iznosu od 12.000,00 KM bez uračunatog PDV-a, to se poništavaju Posebna odluka i Odluka o pokretanju postupka za nabavku usluga – Izrada glavnih i idejnih projekata – usluge projektovanja od 12.02.2021. godine, te se nalaže stručnim službama da pokrenu odgovarajući postupak u skladu sa Zakonom o javnim nabavkama.

Imajući u vidu prednje izneseno, odlučeno je kao u dispozitivu ove Odluke.

PRIPREMILA:


Amira Petrović, BA općeg prava  
Šef Odsjeka za javne nabavke

*Amira Petrović*

KONTROLISALA:

Amela Smajić – Džaferagić, BA općeg prava  
Šef Odjeljenja za zajedničke poslove

*Amela Smajić*



V. D. DIREKTOR

Prof. dr. sci. med. Ismet Gavrankapetanović

DOSTAVITI:

- Kabinet direktora
- Odjeljenje za tehničke poslove i investicije
- Odjeljenje za ekonomsko-finansijske poslove
- Odsjek za javne nabavke
- a/a